

KMO!

Nº 1

BOLETÍN DA MAREA DE PALAVEA, PEDRALONGA E SANTA XEMA

**Os Nosos
Barrios**

Quen somos, que facemos....



Na **Marea** somos xente do común, do barrio. Convivimos na diversidade e alegrámonos pola felicidade da veciñanza. Non especulamos, vivimos na realidade do día a día e estamos implicadas ata a médula na procurada da dignidade mais alá dos nomes e das clases.

Facemos este boletín xente de **Palavea, Pedralonga e Santa Xema**, unidas na procura de facer dos nosos barrios lugares amables, celebrando festas, aprendendo e compartindo experiencias, saberes...

Organizamos entre todas, excursións, magostos, charlas, talleres, e unha xornada de troco os derradeiros domingos de cada mes.

Seguimos avanzando para empoderar á xente da rúa, sen discriminacións e en igualdade, nunha cidade máis humana e sustentable, refuxio para quen sofre.

¿Cómo podes colaborar na nosa **Marea do Km0**?

Atraves da paxina web mareatlantica.org/participa

Enviando un e-mail a mareapalaveapedralonga@mareatlantica.org
ou asistindo a calquera dos nosos actos no barrio.

NORMALIZAR O ANÓMALO: UNHA MAÑÁ DE TROCO

por Alfonso Mascuñana

Cun sol como o do domingo, dan-che más ganas de todo. Foi o que nos pasou á **Marea de Palavea, Pedralonga e Santa Xema** a primeira vez que fixemos unha **xornada de troco**. E xa van nove.

Estabamos algo nerviosas pensando como pintaríía a aventura que programáramos con moito empeño: ¿Viría xente? ¿Entenderían de que vai? ¿Habería que explicar moito a cousa? ¿Quedarían con ganas de repetir?

Todos os derradeiros Domingos de cada mes de 12:00 a 14:00.



E como adoita acontecer cando a cousa vai de xente para á xente, a xornada resultou alegre, tranquila e participativa.

Ao longo das tres horas que durou, foron pasando e permanecendo un bo número de persoas. Algunhas nunca participaran nun troco. Tampouco sabían que había Marea activa na zona. Pero comprendían axiña que o troco era "outra maneira": Que non había nin diñeiro nin cámara de vixilancia que controlara. Que podías poñer tres cousas e levar catro; ou poñer catro e levar tres, ou ningunha; que hoxe por min e mañá por ti.

A xente miuda espresába de maravilla e con sinxeleza a traves do micro aberto que puxemos. E como máis de catro asistentes reclamaron que o repetíramos, repetímoslo e aquí nos tedes, o último domingo de cada mes, nos terreos municipais do que era o club da Fábrica de Armas

O sol da mañá do domingo contemplou isto: xente, "bo rollo", ganas de repetir, e mira ti, o sol pasmouse de que as persoas axiña captan iso tan anómalo de que o diñeiro non o é todo, de que a ditadura do diñeiro tráenos miseria, de que é posible confiar nas persoas e saber que con accións pequenas vaise facendo unha sociedade mellor.

En definitiva, facer normal o que para o sistema é unha anomalia.

A HISTORIA DOS NOSOS BARRIOS

autoria conxunta



Campamentos do Movemento Junior de Palavea

Xa vai para 40 anos do primeiro campamento....Eran tempos difíciles, duros, época da transición vivida nun barrio obreiro pobre, esquecido, con poucas alternativas e lugares onde poder plantar as moitas ganas que había de vivir, de cambiar, de medrar, de facer posible outra realidade.
(Julio Zarra)

Os campamentos eran esperados por toda a veciñanza, especialmente pola máis nova. O equipo de xente que nos decidimos a marchar do barrio con 50 nenas e nenos a vivir de outra maneira foi para nos un reo que asumimos con responsabilidade.



As vivencias deses anos voan na nosa memoria; as cousas fermosas non se esquecen. (Alberto Veiga)

Organizabamos as tarefas do día a día como en calquera campamento, pero é que o noso era tan especial como cada unha de nos.

-"Ehh que as lentellas se che están pegando!!!

-"Ai por min que se maten- contestaba Berto queimando a nosa comida e alimentando as nosas gargalladas (María García)



Unha muller trouxo un vaso, un home trouxo arroz, aquela nena unha cantiga e todo foi de corazón..(Julio Zarra)

Penso que a todas as nais e pais , os 15 dias que estaban en Lodairo parecianlle unha cousa boa para os seus fillos (Alberto Veiga)

MOVEMENTO XUNIOR



Sucederon tantas cousas inesquecibles, entrañables, fermosas....

Quedo co agarimo que lle temos estes días que pasamos xuntas, co pan con manteiga dos almorzos, co ampanario, coas tardes de baixada á praia, cas noites

de estrelas e cos sorrisos de todas as que xa non están connosco.

(María García)

17 DE MAIO ADICADO A MANUEL MARÍA


por Marta Moar

Cada 17 de maio celebramos o Día das Letras Galegas, no que ademais da exaltación e promoción da lingua e literatura galega ponse en valor a producción intelectual dunha figura senlleira da nosa cultura.

O día das Letras Galegas celebrouse por primeira vez en 1963 pois o 17 de maio dese ano cumpríase o centenario da publicación da obra *Cantares Gallegos* de Rosalia de Castro, o que explica tamén porque foi ela a primeira persoa homenaxeada.

A idea desta celebración partiu da Real Academia Galega (RAG) e é ela a encargada cada ano de elexir a homenaxeada. Os requisitos para poder ser o poersoeiro elixido son:

Ter pasado dez anos dende a sua morte, ter escrito unha obra en galego e ser unha persoa de calidade cultural e humana merecedora de ser posta como exemplo disto último.



Dúas curiosidades:

A elección prodúcese na primeira reunión do plenario da RAG logo do 17 de maio e este día é festivo autonómico dende 1991

Este ano a figura homenaxeada é o poeta chairego Manuel María, que naceu en Outeiro de Rei en 1929 e finou na Coruña, onde tivemos a sorte de que fose veciño de Monte Alto dende 1998 ata setembro de 2004.



Durante toda a súa vida Manuel María tivo un forte compromiso social e político con Galiza, o que o levou a ser un recoñecido nacionalista e un axitador cultural en todo o país pero sobre todo en Monforte de Lemos, vila na que residiu entre 1959 e 1998.

A súa obra poética é extensa con varias fases na que o existencial e o político oscilan en importancia. Isto non impidiu que fixese incursións noutras xéneros. Ademais é recoñecido tanto pola súa obra para adultos (o libro de poemas *Terra Cha*) coma no ámbito infantil (*Os soños na gaiola*), pero toda a súa obra resulta interesante e atractiva.



Galicia

*Galicia docemente
está ollando o mar:
ten vales e montañas
e terras para labrar!*

*Ten portos, mariñeiros,
cidades e labregos
cargados de traballos,
cargados de trafegos!*

*Galicia é unha nai
velliña, soñadora:
na voz da gaita rise,
na voz da gaita chora!*

*Galicia é o que vemos:
a terra, o mar, o vento...
¡Pero hai outra Galicia
que vai no sentimento!*

*Galicia somos nós:
a xente e maila fala
¡Se buscas a Galicia
en ti tes que atopala!*

Animámoste a que te acerques á túa biblioteca ou libraría de referencia e lle deas unha oportunidade.

NOVA A.VV. EN PEDRALONGA

A asociación de veciños renóvase con xente nova, do barrio de toda a vida e con moitas ganas de traballar.

Ubicado na **sede de Down Coruña**, este espazo vecinal permítenos realizar actividades coma danza, teatro, talleres ou clases de apoio entre outras. Ademais, calquera veciño pode acudir a ler os xornais ou botar a partida.

Aberto de 10:00 a 14:00 hs. e de 16:00 a 20:00 hs. confiamos poder ampliar este horario en breve nas fins de semana.

NOVA COTA

Ainda que non é obligatorio, acordouse o pago dunha **achega de 15€ anuais** para aqueles asociados que desexen disfrutar de certas ventaxas (descuentos ou gratuidade nas actividades)

NOVA ETAPA MÁIS PARTICIPATIVA

A traves de varias reunions, e co envío dunha enquisa ás casas, os nosos veciños deronos a súa opinión e nos tentaremos que se escoite a su voz.

Ademais do noso **facebook** e **twitter**, poñemos á vosa disposición o noso correo a.vv.pedralonga@gmail.com para calquera cousa.

Que saibades que a Xunta directiva atenderá á veciñanza os **Iuns e xoves de 19:00 a 20:00 hs.** no propio local.

ACTOS EN PALAVEA, PEDRALONGA E STA. XEMA

- A próxima **Xornada de Troco** farase o **domingo 29 de Maio** de 12:00 a 14:00 hs. na **Piscina da Fábrica de Armas**.
- A seguinte Charla que organizaremos tratará de **Vivir sen Plástico**, o **venres 27 de Maio** as 19:30 hs. no **Centro Cívico de Palavea**.
- As **Festas de Palavea** faranse os días **11 e 12 de Xuño** na honra de San Antonio e Santa Cristina.

ACTOS DO GOBERNO MUNICIPAL

- O próximo **#DilloTi** terá lugar o **sábado 28 de Xuño** as 12:00 h, no **Centro Ágora**
- O **pleno municipal**, o que pode asistir calquera veciño que así o desexe, farase o día **6 de xuño** ás 17h (data por confirmar).